



Lek kyrkjeleg tilsette i Bjørgvin

Dato: 20.12.2018

Vår ref: 17/04754-20

Dykkar ref:

Kyrkjevalet 2019 i Bjørgvin - Val av medlemmer til nominasjonskomiteen for lek kyrkjeleg tilsette og oppmoding om å foreslå kandidatar til bispedømerådet

Hausten 2019 skal det vera kyrkjeval. Det skal då veljast bispedømeråd for perioden 1. januar 2020 – 31. desember 2024. Bispedømerådet har sju leke medlemmer, ein lek kyrkjeleg tilsett og ein prest. Biskopen er i tillegg fast medlem.

Om bispedømerådet sine oppgåver seier kyrkjelova § 23 at rådet skal ha merksemda si på alt som kan gjerast for å vekkja og gje næring til det kristelege livet i kyrkjelydane, og det skal fremja samarbeidet mellom dei enkelte sokneråda og andre lokale arbeidsgrupper i bispedømet. Medlemene i bispedømerådet utgjer også Bjørgvin sine medlemmer i Kyrkjemøtet, Den norske kyrkja sitt høgste organ.

Bispedømerådet har om lag åtte møte i året. Eit verv i rådet krev evne til å setja seg inn i store og til dels kompliserte saker, god kjennskap til Den norske kyrkja og eit ønskje om å vera med å leia kyrkja. Både unge og erfarne vil ha mykje å gje i eit slikt arbeid. Dei vil få vera med på å tilsetja prestar, arbeida med strategi og økonomi, gudstenesteliv, rammer for arbeidet i sokna og kyrkjepolitiske saker. I den komande valperioden skal truleg ny kyrkjeordning på plass, og kyrkja skal som alltid finna ut kva det vil seia å vera kyrkje i ei tid prega av endring.

Desse har stemmerett og forslagsrett (Kyrkjevalsreglane § 2-4)

1) Stemmerett ved val av lek kyrkjeleg tilsett til bispedømeråd og Kyrkjemøtet har tilsett i Den norske kyrkja som fyller følgande vilkår:

- vedkommande er tilsett av sokneråd, fellesråd eller bispedømeråd,
- vedkommande har ikkje stemmerett som prest etter § 2-3 og
- vedkommande har ein stilling på minst 15 timar i veka.

(2) For å utøve stemmeretten må veljaren vere innført i manntalet for leke kyrkjeleg tilsette på valdagen.¹

¹ Bispedømerådet er ansvarleg for at eit manntal over personar med stemmerett ved val av prest og lek kyrkjeleg tilsett blir oppretta og oppdatert på grunnlag av opplysningar frå bispedømerådet og kyrkjelege fellesråd.

(3) Stemmeretten blir utøvd i det bispedømet personen med stemmerett er tilsett. Lek kyrkjeleg tilsett i døvekyrkjelydane har forslags- og stemmerett ved val av lek kyrkjeleg tilsett til Oslo bispedømmeråd.

(4) Ved permisjon med varighet under eitt år vil vedkommande framleis ha stemmerett som lek kyrkjeleg tilsett, men det vil vere den som vikarierer i stillinga, som deltar i valet av nominasjonskomité og som har forslagsrett, dersom vedkommande elles fyller krava.

Nominasjonskomité

Det skal veljast nominasjonskomité for nominasjon av lek kyrkjeleg tilsette kandidatar til bispedømerådsvalet. Komitéen skal ha ein representant frå kvart prosti, og valet må gjennomførast innan 1. mars 2019.

Val av medlem til nominasjonskomité for lek kyrkjeleg tilsette skal i hovudregel skje på eit møte for alle lek kyrkjeleg tilsette i prostiet. Der dette er vanskeleg å få til (i praksis dei fleste stader), kan dei lek tilsette velja sin representant via e-post. For å få lov til dette, må kyrkjevevja ved prostesetet senda valrådet ein e-post (bjoergvin.bdr@kyrkja.no) der de søker om dispensasjon frå hovudregelen. Nominasjon på e-post skjer etter følgjande prosedyre i kyrkjevalreglane, § 11.1:

- Kyrkjevevja ved prostesetet kallar saman ein representant frå kvar yrkesgruppe til eit møte kor ein set opp ein eller fleire kandidatar til nominasjonskomiteen. Representantane blir peika ut etter forslag frå dei tillitsvalde for yrkesgruppene. Ein bør forsøke å få med representantar for ulike sokn i prostiet.
- Forslaget/forslaga blir sendt ut på avstemming blant leke kyrkjeleg tilsette med stemmerett i prostiet. Avstemminga skjer på e-post innan fristen for å halde valmøte.

Nominasjonskomitéen for lek kyrkjeleg tilsette består av éin kyrkjeleg tilsett (alle typar stillingar; barnehagetilsett, kontormedarbeidar, gravplassarbeidar, diakon, kyrkjemusikar, kateket osv) frå kvart prosti. Det skal veljast éin medlem og éin varamedlem frå kvart prosti. Ein bør leggja vinn på å få ungdom representert, og på å få begge kjønn representerte. Komitéen vel sjølv kven som skal vera leiar.

Medlemer av bispedømerådet kan ikkje vera med i nominasjonskomitéane.

Det må påreknast 1 – 2 møte i Bergen i tidsrommet 1. mars – 30. april .

Reise og opphald blir betalt av bispedømerådet. Ein kan også søkja om å få dekkta tapt arbeidsforteneste i dei tilfella der det er aktuelt.

Lek kyrkjeleg tilsette kandidatar til bispedømerådet

Valrådet vil med dette oppmoda lek kyrkjeleg tilsette i bispedømet om å senda inn forslag til kandidatar til å stå på lista ved bispedømerådsvalet innan 1. mars. Det er desse kandidatforslaga nominasjonskomitéen får som grunnlag for å laga si valliste på fem kandidatar som skal vera klar innan 30. april og presenterast i alfabetisk rekkefølge.

Etter at lista er godkjend og offentleggjort, kan leke kyrkjeleg tilsette med stemmerett i bispedømet, minst ti i talet og med representasjon frå minst to prosti, fremme alternative kandidatar i den supplerande nominasjonen ved val av lek kyrkjeleg tilsett til bispedømeråd og Kyrkjemøtet innan 5. juni 2019. Kvar gruppe av forslagsstillarar kan berre nominere ein kandidat.

Dei som vert føreslegne skal på førehand spørjast om dei er viljuge til å lata seg nominera. Av omsyn til nominasjonskomitéen sitt arbeid, bør det følgja ein liten stikkordsmessig presentasjon av kandidaten saman med ei grunngeving på kvifor vedkommande bør bli nominert.

Gyldige framlegg på kandidatar må innehalda nødvendige opplysningar:

- Fullstendig namn og adresse, telefon og e-post.
- Fødselsdato

- Stilling og arbeidsgjevar
- Ei grunngjeving for kvifor vedkomande bør bli nominert.

Vi ber om at de fyller ut eit skjema på nettet for å registrera forslag til kandidatar. Siste spørsmålet i skjemaet, "Opplysningar om kandidaten", er meint som hjelp for nominasjonskomitéen. Her har de høve til å tala varmt om dykkar kandidat. Det som blir skrive her kan bli brukt i valinformasjon seinare, så skriv slik at opplysningane kan vera offentlege.

Lenka finn du her: <https://response.questback.com/bjrgvinbispedmme/lektilsett19>

Kandidaten vil seinare få tilsendt eit eige skjema der dei fyller inn meir detaljerte opplysningar om seg sjølv.

Framlegg til kandidatar med naudsynlege opplysningar må vera oss i hende seinast 1. mars. Forslag kan også sendast på e-post eller i posten til:

**Valrådet i Bjørgvin, Bjørgvin bispedømekontor,
Postboks 1960, Nordnes,
5817 Bergen**

E-post: bjørgvin.bdr@kyrkja.no

For spørsmål, kontakt seniorrådgjevar Jens Z. Meyer, jm532@kyrkja.no, tlf. 55 30 64 86

Meir informasjon om kyrkjevalet på <http://kyrkjevalet.no>

Med helsing

Jan Ove Fjellveit
stiftsdirektør

Jens Z. Meyer
seniorrådgjevar

Dokumentet er elektronisk godkjend og har difor ingen signatur.

Mottakarar:
Lek kyrkjeleg tilsette i Bjørgvin